



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 20. Hieronymus Pragensis captus, & Constantiam ductus.

[urn:nbn:de:hbz:466:1-66272](#)

a Burgundiæ Ducis familiaribus delatum, Sæcul. XV.
 inde vero ab iisdem Avenionem deducendum credebant. Nec sua eos opinio
 fefellit; nam Pontificem Brisaci inveniunt, qui eos altera adventus die vige-
 sima quarta Aprilis ad alloquium admisit, pollicitus, se sequenti primum die eo-
 rum postulatis responsurum. Hi non
 modice obstupuerunt, ubi fama ad eos
 pervenit, quod Papa eadem adhuc nocte
 Brisaco Nienburgum, parvum id oppidum
 est Brisaco vicinum, quod Rhenus al-
 luit, clam discesserit. Omnes hæ rerum
 vicissitudines non parum Deputatorum
 solertia fatigabant; hujus tamen even-
 tus notitiam illico ad Synodum perscri-
 bebat; quo percepto Concilii Patres ad
 Austriæ Ducem literas dederunt, suppli-
 ces, ut Joannem haud ultra protegeret,
 imo eundem potius, uti sacramento sese
 obstrinxisset, e fuga retraheret, Dux per-
 officiose respondit, se comperta turpi Pon-
 tificis fuga nullam illi clientelam impen-
 surum, sed in omnibus, & per omnia
 Concilio adhæsurum, quæ tamen decla-
 ratio sincera non fuit.

§. XX.

*Hieronymus Pragensis captus, &
 Constantiam ductus.*

Interea temporis Hieronymus Pragensis *Vander*
 in reditu suo in Bohemiam, Hirsviæ *Hardt to.4.*
B 3 *captus* *p. 134.*

Sæcul. XV. captus est. Commemorat Reichental-
A.C. 1415. lius, Hieronymum, cum ad quoddam
 Hercyniæ, seu sylvæ nigræ oppidum per-
 veniret, atque a Parocho loci, qui eodem
 die suos Collegas convivio exceperat, in-
 vitaretur, atrocibus maledictis Synodum
 proscidisse, eamque Sathanæ Synagogam
 appellando, jaētitasse, cunctos illius Do-
 ctores, & Prælatos rubore suffusos, a se
 fuisse devictos; a Clericis vero ob hæc
 convitia ad iram concitatis illum petu-
 lantiæ suæ coram Magistratu fuisse accu-
 satum, a quo etiam postera die compre-
 hensum Constantiam deportatum fuisse,
 ibique carceri tradi jussum. Discipuli
 Hieronymi Pragensis ejusdem facti duas
 alias nobis reliquerunt relationes eodem
 tempore scriptas, in quibus, præcisissimis aliis
 circumstantiis, narrant, quod ab officiali-
 bus Ducis Solisbacensis Hirsaviæ deten-
 tus, inde Solisbacum deductus, ibidem
 usque ad ulteriora Concilii mandata, cu-
 stodiæ datus fuerit. Interea vero Solis-
 bacensis Ducis Filius Synodum de Hie-
 ronymi detentione certiorem reddiderit,
 atque acceptis Concilii jussis eundem ca-
 tenis vincutum Constantiam miserit.

§. XXI.

*Imperator Austriaco reconciliatus, ea
 lege, ut Pontificem reduceret.*

**Ezov. an.
 1415. n. 26.** **L**udovicus de Bavaria Ingolstadiensis
 lineæ,